

Pertge eleger Linard Bardill en la regenza?

CUN LINARD BARDILL (SENZA PARTIDA)
HA DISCURRÌ MARTIN CABALZAR

Pertge duai il pievel grischun eleger gist Linard Bardill en la regenza grischuna?

Linard Bardill: Perquai che jau na fetsch betg part da la petta e dal filz.

Qualas èn las pli gronda sfidas per noss chantun en il decurs dals proxims quatter onns?

Recuperar la credibilità e procurar per trasparenza, manar il chantun proactivamain or da las auas turbulentas.

Tge finamiras ha la regenza actuala cuntanschì en il decurs dals ultims quatter onns e tgeninas ha el manchentà?

Ella ha stgaffi bleras leschas, dentant cuntanschì pauc confidenza, realisà blers projects e betg prendì serius ils burgais. Tegni bain chasa ed investì mal en projects prospectivs e persistents.

Co giuditgais Vos las perspectives economicas per ils proxims quatter onns en il chantun Grischun?

Il Grischun stat sin flaihlas chommas fin ch'el n'ha betg elavurà si il passà ed uschè ditg ch'el na sa confrunta betg a moda creativa cun las sfidas da l'avegnir.



Il candidat per la regenza Linard Bardill (senza partida). MAD

La regenza vul elavurar in concept cumplexiv per distgargiar a moda durabla il tegnairchasa chantunal. Nua vesais Vos potenzial da spargn en vista a las finanzas che vegnan adina pli flaihlas?

Curiusa dumonda. Il chantun n'ha nagins debits, mabain 80 milliuns reservas. Da meds finanziaes en digren gnanca zic.

Tge mesiras èn necessarias per mantegnair vinavant attractiv il sistem da

scolaziun grischun en vista a la demografia en digren?

Stgaffir identitad. Emprender en gruppas da vegliadetgna heterogenas stagl centralisar las partiziuns da scola. Abolir l'artitgel da la lescha da scola che pretenda ch'ins erueschia tar ils uffants permanentamain la classa ch'els han da frequentar. Promover las relaziuns empeda decretar educaziun. Salvar la lingua da la perdiziun sch'ella na po betg pli activar sias forzas internas. Sch'ins chatta dentant burnida pon ins dentant en-

vidar da nov il lieu da tut temp. Quai è in'ovra culturala che vegn da l'intern e vegn pussibilitada e sustegnida entras la politica.

Co giuditgais Vos la purificaziun da las estructuras politicas realisada en noss chantun cun crear novas regiuns e fusiunar vischnancas. È quel process terminà u èn necessaris ulteriurs pass?

Jau n'hai betg gugent il fusiunitis. Jau preferesch da mantegnair tant sco pussaivel l'autonomia communal.

En il rom da la Politica agrara 2021 vulesch il cussegl federal liberalisar ed avrir il martgà. È quai supportabel per l'agricultura grischuna?

Na, mai e pli mai. Tuppaddads!

Tge cumposiziun politica da la regenza tenor partidas preferis Vos persunalmain per la proxima perioda da legislatura?

Persunas ch'èn prontas da lavurar si il filz ed ils entretschaments politics ed economics. Chau creativs che stattan en per lur persvasiun e ch'èn abels da manar enstagl da sa zuppar cu i dat problems! Els duain stgaffir in clima d'umanità per che burgais e burgais possian puspè avair plaschair da lur stadi. La partida è absolutamain irrelevanta.

Curt e bun

Mia patria:

Mes cor, ils mes, mes vitg, mes pajais, mes mund. En questa successiun.

Mias fermezzas:

Perseveranza e respect da l'uman.

Mias flaivolezzas

Jau na poss betg sufferer malgista-dads e la manzegna ma fa vegnir malsaun.

Mes hobis:

Nagins. Perquai che jau na poss betg fragmenar mia vita.

Mes idol politic:

Willy Ritschard, Ruedi Minger, Mahatma Ghandi.

Mes siemi nunaccumpli:

Transparenza e capacità da direger en l'actuala crisa morala, politica ed umana en il Grischun.

Spisa preferida

Vin, ieli d'oliva e paun.